

Wárágã Páwũlõ 'bã sîlé
Títõ
nî rî

Wárágã Páwũlõ 'bã sîlé Títõ nî rî

¹ Wárágã 'dî angá mádrî ma Páwũlõ 'i átí'bó Ādróná drî āzîla ũpígóná Yésũ Kúrísitõ drî rî. Yésũ pẽ áma tî ā'itáná patáná ìsújó rî agulé 'bá Ādróná 'bã ũpêlé rî 'banî, sî kí imbájó ìjõ mgbã rî lújó āzîla ídri Ādróná 'bã lèlé u'ájó alá rî i'dajó ì'banî. ² Ìjõ mgbã 'dî la fẽ ì'baní ásí 'bálé ídri ukólépi ku, Ādróná 'bã ìjõ azilè ì'baní 'dî sî ú'bã drî ũnókú ku rî drî gá, Ādróná alí ala gá ìnzõ ku. ³ I'da ìjõ mgbã 'didrî 'dî sáwã múké rî agá, 'dî āzítáná Ādróná āma Palépi rî 'bã fèlé mádrî ũlújó la rî 'i.

⁴ Ásî wárágã 'dî mâ ngótí mgbã āma sî adrujõ ā'itáná agá ālu Títõ nî!

Lêtáná uyanâ kóru āzîla ásí ìgbẽ Ādróná āmã Átèpî rú āzîla Kúrísitõ Yésũ 'Bá āma Palépi rî.

Āzî Títõ 'bã ngalé Kũrètî gá rî

⁵ Ìjõ mání ími a'bejõ Kũrètî gá rî, mi rú sî ìjõ Kũrètî gá 'dãá itulé āzîla delé ku 'dãá rî kí itú, 'bá kãníšã 'bã drîlè ru rî kí ũpějõ táwũnî ālu-ālu gâ sî, cécé ándrá mâ míní lülé rî áni. ⁶ 'Bá kãníšã 'bã drîlè ru rî 'bã adru kí 'bá āzî ìjõ ũnzî jójó kí uru 'bá gá ku la, ũkú trũ ālu, āzîla anzî ì'didrî 'bã adru kí 'bá Ādróná ā'ílépi la, drî-ũnzî kóru āzîla bílè trũ. ⁷ 'Bá kãníšã 'bã drîlè ru āzî Ādróná drî fějõ ì'didrî, undrélépi la rî 'bã adru ìjõ ũnzî kóru. 'Bã adru 'bá āfó ru ku, ũmbã rú ku, ìmẽrālèpi íwá sî ku, ásí ũnzíkãná ku, āzîla rõmgbõ ru sèndẽ sî ku íni la. ⁸ Be la rá la, 'bã adru 'bá

ãmú ã'ìlépi múké íni la, 'bá ìjọ múké Ādróná drî kí lèlépi idélépi la, 'bá ásí ìgbé vâ ìjọ mgbã idélépi áyù la, adrulépi ìjọ ùnzí kóru, ru tãmbalépi ìjọ pírí agâ sí gẹrî pírí sí rí 'i. ⁹ Lẽ 'bã ru ìjọ ì'diní imbálé mgbã 'dĩ mgbemgbe, 'ba uja ì'di ku, 'ba imbá sí 'bá kí ásí ímbátáná kpì rí sí, 'ba i'da dó sí ìjọ ùnzí 'bá ágátã galépi ìjọ Ādróná drî sí 'dĩ 'badrî rí kí.

¹⁰ Ájọ ìjọ 'dĩ íni la ã'dusíku 'bá idemará ùnzí rí kí wěwě rú, 'bá ìjọ sí 'bá uléjọ rí jọlépi 'dĩ kí trũ, ambamba la 'bá ru ìtãrãlépi rá lã'bĩ Yãhúdĩ drî trũ 'dĩ kí. ¹¹ Ímbátáná ìnzõ rú rí sí, kí 'bá kí uja sí ã'ítáná mgbã rí a'bejọ, imbá'bá 'dĩ 'bã áni rí lè kí lú sèndě ìmidrî gá rí kí áyù, lè ìfě 'bã ìyãñã kí tú. ¹² 'Bá ãzí ãlu kí agá 'dãá ì'bã kí ùrãlé nábĩ rú la jọ, “Bá Kũrétĩ gá rí kí ù'dù pírí sí ìnzó'bá, ùmbã rú cécé ãnãkpá ásé agá rí kí áni, ãzila kí ùvú'bá, vâ 'bá rõmgbó ru la kí.” ¹³ ìjọ jọlé 'dĩ ì'di ìjọ mgbã la, Títõ. ìjọ 'dĩ sí, mí uzá 'bá 'dĩ kí drî gá ùkpó sí 'bã tu kí rú sí pá ã'ítáná agá ùkpó ru. ¹⁴ 'Bã 'bã kí rú sí ásí ãwí 'bá Yãhúdĩ rú 'dĩ 'bã kí nzelé ãzila ãzítáná ãfùlépi 'bá 'badrî sí ìjọ mgbã rí gájọ úmgbé 'dĩ kí drî gá ku.

¹⁵ 'Bá ásí ãlá rí ní ìjọ múké rí ì'di ngá múké, wó 'bá ásí ùnzí rí ní ìjọ ãlá rí icó ã'ìlé la ku, ã'dusíku ásí ì'badrî kí ùrátáná ì'badrî abe kí ru iza rá. ¹⁶ 'Bá 'dĩ kí ru 'bã nĩ kí Ādrónã cé, wó ìjọ ì'bã kí idélé rí la i'da la nĩ kí Ādróná ku rí gá nĩ. Kí 'bá ngũ ùnzí, ãzila are kí ìjọ ku, icó kí dó sí ìjọ múké la idélé ku.

2

Mí imbá ímbátáná mgbã rí

¹ Wó Títõ mí rú rí gá, mí itú ú'áná ru icílépi ímbátáná ã'ítáná drî i'dalépi rí áyù. ² Mí imbá ãgõbì mbalépi 'bo

'dĩ kí ru tãmbajó òjò pírí ùnzí rĩ kí sī, 'bá 'bã ìnzĩ kí ìnzĩ-
ìnzĩ, 'bã adru kí à'itánà trũ ùkpó ru, lètánà trũ, àzila 'bá
òjò talépi ásí ìgbẹ sī la kí.

³ Mí imbá vâ ùkú mbalépi 'bo 'dĩ kí cécé 'dĩ 'bã áni, 'bã
adru kí àrútánà ru gbíyã 'badrî agá, 'bã adru kí 'bá 'bá rú
jòlépi ùnzí ku, àzila 'bá ìmèrálépi íwá sī rĩ kí rú ku. Kējí
la gá 'ba imbá kí 'bá àzì rĩ kí òjò múké rĩ sī. ⁴ Ùkú mbalépi
'bo rĩ 'ba imbá kí ùkú ú'dí 'dĩ kí ì'bã ágó kí lějò ì'bã anzínà
kí abe, ⁵ 'bã mba kí ru tã lícò ì'badrî abe alá ru, 'bã nga kí
àzì lícò gá rĩ kí ùkpó sī, ásí la 'bã adru kí ìgbẹ ru, àzila 'bã
ru kí vâ sī ì'bã ágó kí òjò ì'bã kí jòlé rĩ kí abe cí. Ìjò 'dĩ sī,
'bá àzì 'bã u'dá dó sī òjò Àdrónà drî kí òjò sī ku.

⁶ Mí imbá àgòbì ú'dí 'dĩ kí 'bã mba kí ru tã cénì. ⁷ Mí
adru ì'baní ícétánà ru òjò pírí múké mî idélé rĩ kí sī.
Ímbátánà mídrî rĩ 'bã adru ìnzò kóru àzila ùkpó ru, ⁸ 'bá
àzì 'bã ide òjò mî jòlé rĩ ku, 'bá àgátà galépi mí be rĩ 'bã
ìsù kí rú sī drínzà, à'dusíku ì'baní òjò ùnzí ícójó jòjò àma
urù 'bá gá ku rĩ sī.

⁹ Mí imbá àti'bo kí àrútánà idéjò àmbogo ì'badrî kí
urù 'bá gá òjò pírí sī, àyíkò fējó ì'baní, òjò u'dujó àmbogo
kí tì gá ku. ¹⁰ 'Bã ùgũ kí àmbogo ì'badrî 'bã àko kí ku. Wó
'ba i'da kí ru 'bá mgbã múké la, àzila 'bá ásí tìjò kí drî gá
rá la rú, 'dĩ la dó sī ímbátánà múké Àdrónà àma Palépi rĩ
drî gá rĩ fě adrulé àjì trũ 'bá pírí 'baní.

¹¹ Ásí ìgbẹ Àdrónà drî lètánà ì'di 'bã lějò 'bá pajó rĩ,
i'da dó ru 'bá pírí ní 'bo. ¹² Ì'di àma imbá òjò ùnzí ùnòkú
drî kí gājó ùlě ì'didrî abe úmgbé, àma sī àma tãmba pá
tujó ùkpó ru òjò kpì sī òjò ùnòkú ú'di'da 'dĩ drî kí agá,
¹³ àmaní drî drîlẹba ásí 'bájó drî la gá rĩ tē agá 'dĩ ú'dú
òjò dīzā, rú drúzì Àdrónà àmadrî àmbögö Yèsù Kúrísitò
'Bá 'bá Palépi rĩ, 'bã ru i'dajó rĩ sī. ¹⁴ Fě ru àma unzejó
òjò ùnzí pírí agá, àma ùjìjò alá ru, àma 'bájó ì'di 'bã 'bá ru

ãmaní sî ãma 'bājó òjò kpì idéjò. ¹⁵ Lě mí imbá 'bá kí ásí òjò 'dī kí idéjò, kí itújó òjò ítúná lělépí rī sī āzítáná 'bā lělé rī áni. 'Bá āzì 'bā avá rú sī ùkpō mídrî rī sī ku.

3

Ádrízā múké rī

¹ Títõ, mí igá 'bá mídrî 'dī kí ārútáná idéjò 'bá kí drîlẹ́ gá rī kí uru 'bá gá, āzítáná rī 'badrî kí ìnzîjò sī adrujò bábá sī òjò múké rī idéjò. ² Ílù rī 'baní 'bā jò kí òjò ùnzí 'bá āzì uru 'bá gá ku, 'bā āwā kí 'bá kí abe ku, 'bā ndre kí 'bá 'bā ízákîzā āzila 'bā ru kí 'bá kí òjò jā sī.

³ Āma ándrá aza sī òjò ùnzí kí idé agá drî ùnzí sī, āma acá dó átí 'bó ru ùlě òjò ùnzí idéjò rī áni. Āri sáwā izalé ídri āmadrî agá 'bá kí ngùjò āzila 'bá kí ndrejò mîfî ùnzí sī. Òjò 'dī sī, 'bá āzì rī ngù kí āma ùnzí āngū vā kí ùnzí.

⁴ Wó ásí ìgbẹ́ āzila lětáná Ādróná āma Palépi rī drî rī la mu ru i'dalé 'bo, ⁵ pa āma rá, adru āmaní òjò múké idélé rī sī ku, wó ásí ìgbẹ́ rī 'didrî gá rī sī. Ùjî òjò ùnzí āmadrî kí āzila fě āmaní ídri ú'dí Úrindí Ālá rī sī. ⁶ Ādróná ùsū Úrindí Ālá 'dī āma drî gá Yésū Kúrísitō 'Bá āma Palépi rī sī. ⁷ Òjò 'dī sī, 'bā dó āma ālá ru ásí ìgbẹ́ rī 'didrî āmbógó rī sī, ā 'bā ásí āma dó mu ídri ukólépi ku rī nalé rī 'di trū ālu.

⁸ Òjò mâ jòlẹ́ míní 'dī kí òjò mgbā la, álě òjò òjò 'dī kí ùkpó ru, 'bá ásí 'bālépi òjò Ādróná drî drî gá rī 'bā adru kí mîfî trū, sī ru ásí 'bājó píri òjò múké rī kí idéjò. Òjò 'dī kí múké āzila ùrōdrî ru 'bá píri 'banî.

⁹ Ífi āgátā galé, āzila āwí ífí kóru á'bí ùlājó, jòku āwānjá āzila ācóná cojó, āzítáná 'bá Yāhúdí rú 'dī 'badrî kí agá ku. Òjò 'dī 'bā áni 'dī kí āzî kóru āzila kí sáwā iza. ¹⁰ 'Bá 'bá kí awalépi rī íli bílẹ́ ìndú la pâlẹ́ ìrî, 'dā 'bā ùngúkú gá drî gā úmgbé, mí a'be rī 'di cā. ¹¹ Lě ínî cé 'bá 'dī 'bā áni rī iza

kí ru íjọ ùnzí sǐ rá, ùnzíkǎnǎ ǐ'badrǐ gá rǐ la íjọ lị kí drǐ gá nǐ.

Páwǔlõ azì Títõ ní ǎsǐjọ

¹² Má itú ma ǎtémǎ 'i jọku Tǔkíkõ tị pǐlé mí rùlé, kí ǎzì drǐ acá mí rù 'dǎ 'bo, mí ǔ'bǐ ǎsǐ pírí sǐ calé má rù táwǔnǐ Nǐkõpólǐ gǎlé gbõṅáná ru, ǎ'dusiku ǎpě ǎngǔ ǐgbé rǐ tǐjọ 'dǎá. ¹³ Mí ǔ'bǐ Zénǎ jǎjǐ rú rǐ kí ǎzǎ kolé ǎpólõ be ǎko pírí sǐ ǎcǐ ǐ'badrǐ agá 'bǎ ǐcǐ kí ǎko ǎzǐ ǐ'ba kí lǐlé la sǐku. ¹⁴ 'Bá ǎmadrǐ 'bǎ ǔnǐ kí ru fǐjọ pírí íjọ múké idéjọ, sǐ ǎko fǐjọ íjọ lǐlé idélé ǔ'dù pírí rǐ kí ǎzǎ kojọ, 'bǎ adru kí ǔvǔ rú ku.

¹⁵ 'Bá pírí má rù 'dólé rǐ zì kí ǐmi pírí cící ǎzila 'bá ǎma lǐlépí ǎ'ǐtáná 'dǐ agá 'dǐ kí ǐzì kí cící.

Lǐtáná uyanǎ kóru ǎdróná drǐ 'bǎ adru ǐmi abe pírí.

Ijò Ú'dí rĩ

The Holy Bible in the Aringa language of Uganda

Copyright © 2018 Wycliffe Bible Translators, Inc.

Language: (Aringa)

Contributor: SIL International (in Africa)

All rights reserved.

2020-11-11

PDF generated using Haiola and XeLaTeX on 11 Feb 2021 from source files dated 10 Feb 2021

695104cf-f1e1-5cdd-8e7e-1df2480da505